

Հ. Գ. Վարդանյան

ՄԵԾ ԵՂԵՌՆԻ ՊԱՏՄՈՒԹՅԱՆ ԷՋԵՐԻՑ

Հայերի բնաջնջման քաղաքականության մեջ թուրքական կառավարող շրջանները նպատակ ունեին «լուծել» հայկական հարցը: Այդ են ասում փաստերը, այդ մասին են մասնավորապես վկայում թուրքական ու օտար աղբյուրները:

Հայկական եղեռնի պատասխանատվությունն ամբողջապես ընկնում է թուրքական բուրժուա-կալվաժատիրական դասակարգերի ու նրանց իշխանությունների վրա, որոնք հատուկ ծրագրով կազմակերպեցին հայերի բնաջնջումը:

Անցյալ դարի 90-ական թվականներին ստեղծվեց երիտասարդ թուրքերի իթթիհատական («Միություն և առաջադիմություն») կազմակերպությունը, որը շուտով աչքի ընկավ իր համախալամական ոեակցիոն գաղափարախոսությամբ: «Թուրքիան թուրքերի համար» — այս էր նրա պրոպագանդայի անկյունաքարը:

1908 թ. զինվորական հեղաշրջման ճանապարհով իշխանությունը նվաճելով և իրենց դիրքերն ամրապնդելով, երիտասարդ թուրքերը, բոլորովին դեն նետեցին դիմակր և կայսրության հպատակ հայերի, հույների և այլ ազգային փոքրամասնությունների հետ ավելի դաժան վարվեցին, քան արյունարբու սուլթան Աբդուլ Համիդը: 1908 թ. հուլիսի 23-ին վերջինս հայտարարեց օսմանյան սահմանադրության վերականգնումը: Հենց այդ ժամանակ Սալոնիկի ազատության պողոտայում էնվեր փաշան իր արտասանած ճառում ասաց. «Այսօր, բռնապետական կառավարությունը անհետացած է: Մենք ամենքս եղբայրներ ենք: Թուրքիայի մեջ ասկե ետքը ոչ պուկար կա, ոչ հույն, ոչ սերպ, ոչ ռումին, ոչ իսլամ, ոչ հրեա: Նույն կապույտ երկնքի տակ մենք ամենքս հպարտ ենք օսմանցի ըլլալնուս»¹:

Օսմանյան սահմանադրությունը և բոլոր ազգերի հավասարության մասին երիտասարդ թուրքերի արած հավաստումները ոգևորեցին հպատակ քրիստոնյա ժողովուրդներին: Վերջիններիս թվաց, թե սահմանադրության վերականգնման մասին եղած հայտարարությամբ նոր դարագլուխ է բացվում իրենց համար: Իրականում, սակայն, ամեն ինչ կատարվում էր նախորդների եռանակով: «Կառավարական սահմանադրական ձևը շարիաթին հակառակ չէ»² հայտարարությամբ արդեն երիտթուրքերը դեն էին նետում առաջադիմության մասին իրենց խոստումները:

Միջազգային իրավունքի խոշոր մասնագետ, Պետերբուրգի համալսարանի պրոֆեսոր, երկար ժամանակ Կ. Պոլսի ռուսական դեսպանատան թարգման Անդրե Մանդելշտամը իրավացի կերպով նշում է, որ իշխանությունը նվաճելով, երիտասարդ թուրքերը ժողովուրդներին բերին մի քանի Աբդուլ Համիդ-

¹ Հ և Ն Ր Ի Մ ո Ր գ Ե Ն Թ ա ու, Մ ր. Մ ո Ր գ Ե Ն Թ ա ու ի հ ի շ ա տ ա կ ն Ե Ր Ե ր և հ ա յ կ ա կ ա ն ե ղ Ե Ռ Ն Ի գ ա ղ տ ն ի Ե Ն Ե Ր Ե Ր, Կ. Պ ո լ ի ս, 1919, էջ 15:

² Ա - Դ ո, Մ Ե ժ դ Ե Կ Ե Ր Ե Ր Վ ա ս պ ու Ր ա կ ա ն ու մ 1914—1915 թթ., Երևան, 1917, էջ 41:

ներ: «Սուլթանեն նվազ խորամանկ, նվազ քաղաքագետ,— գրում էր Ժակ դը Մորդանը, — այս ինքնակալ հեղափոխականները կորուշեն շարունակել Աբդուլ Համիդի արյունոտ գործը, այն է՝ ոչնչացնել կայսրության ոչ-մահմեդականները: Եվ եթե բարենորոգություն մը կուզեն, այդ ալ իրենց գործերուն եվրոպական միջամտությունն ջնջելու բարենորոգություններ էր, դադարեցնելով եվրոպական մենաշնորհները»³:

Երիտասարդ թուրքերը, նշում է նույն հեղինակը, իրենց համախալամական ձգտումներով, ամբողջ աշխարհի մահմեդականներին Օսմանյան կայսրությանը ենթարկելու դիտավորություններով կամենում էին նորոգել Մուհամեդի սիստեմը՝ ի նպաստ իշխանության, վայելքի և հարստության ծարավի մարդկանց: Իսկ դա «կայսերապաշտության ամենաանարգ ձևն էր»⁴:

Բարենորոգումներ մտցնելու, հայերին և մյուսներին քաղաքական ինքնավարություն տալու փոխարեն, երիտասարդ թուրքերը անցան նրանց բնաջնջմանը: Դրա առաջին ազդանշանը եղավ 1909 թ. Ադանայի եղեռնը: «Ավաղ,— գրում է Ժակ դը Մորդանը,— հայերու անձնավորության հավաստիքներուն երիտասարդ թուրքերը, նույնիսկ Ապտուլ Համիտի գահընկեց ըլլալն առաջ կը պատասխանեն Ատանայի կոտորածով, որով կըսկսի ամենաահարկու ոճիրներու շարքը, որ պատմությունը երբեք արձանագրած ըլլա»⁵:

Կառավարական հանձնաժողովի անդամ, պառլամենտի դեպուտատ Հակոբ Պապիկյանն իր տեղեկագրում ցույց տվեց, որ եղեռնի հանցագործները կառավարական զորքերն էին ու թուրքական իշխանությունները, որոնք սրախողող էին արել 30.000 հայ և երեք միլիոն թուրքական ոսկու արժողությամբ նյութական վնաս հասցրել նրանց ընտանիքներին⁶:

Պապիկյանի տեղեկագրում նշված է, որ Ճնվետ բեյը հանձնաժողովին համոզել էր, թե «հայերը բազմաթիվ զենքեր գնած են և թե մեկ քանի մասով միջոցին Ատանա ներմուծած են 12.060 հրացան»⁷: Իսկ Ասաֆ բեյը 1909 թ. ապրիլի 3-ին հեռագրել էր ներքին գործոց նախարարությանը, թե «Հասանպեյլիի և Ջեյթունի ֆիտայիները հավաքված են Սանճագը քար ու քանդ ընելու համար և շատ հավանաբար պիտի գան մինչև Ատանա»⁸:

Նախարարի ու կուսակալի հրամաններով, զինվորներին օգնելու նպատակով, 400 քրեական հանցագործներ ազատվել էին կալանքից ու մղվել հայերի դեմ: Դահիճները ողջ-ողջ այրել էին մարդկանց, վիրավորներին ու հիվանդներին: «Ադանայի ոճիրների սրտաճմիկ մանրամասնությունները մեկ կողմից, զինվորական ատյանի և քննիչ հանձնաժողովի անարդար վերաբերմունքը դեպի ոճրագործ մահմեդականներն ու անմեղ հայերը՝ մյուս կողմից հայ պատգամավոր Պապիկյանի վրա այնպիսի զարհուրելի տպավորություն գործեցին, որ նա Պոլիս վերադառնալով, անասելի հոգեկան տանջանքներ կրեց և գերեզման իջավ, թողնելով մի տեղեկագիր, որ ահագին լույս էր սփռում Ադանայի ոճիրների վրա»⁹:

3 Ա. Մ ա ն գ ե շ տ ա մ, Օսմանյան կայսրության ճակատագիրը, Կ. Պոլիս, 1919, էջ 8:

4 Ժ ա կ դ ը Մ ո Ր Դ Ա Ն, Հայ ժողովրդի պատմություն, Պոսթոն, 1947, էջ 242—243:

5 Նույն տեղում:

6 Նույն տեղում, էջ 342:

7 Տե՛ս Հ ա կ ո բ Ս ա Ր Դ Ս Յ Ա Ն, Ատանայի եղեռնը, Կ. Պոլիս, 1919, էջ 21:

8 Նույն տեղում, էջ 31:

9 Նույն տեղում, էջ 34:

10 Ա - Դ ո, Մեծ դեպքերը Վասպուրականում 1914—1915 թթ., էջ 43:

Հայերի դրությունը գնալով ավելի էր ծանրանում: Գավառներում կրկին ծայր առան բռնություններն ու հալածանքները:

Հայերի բնաջնջման ծրագիրը երիտասարդ թուրքերը մշակել էին վաղուց, և այն իրագործման մեջ դրին պատերազմի առաջին իսկ օրից:

1915 թ. գարնանը տեղի ունեցած թուրքական կառավարող շրջանների խիստ գաղտնի խորհրդակցության բուն նպատակը հայերի բնաջնջումն էր: Խորհրդակցությունում Գարսի Կեմալը նկատի ունենալով հայերին և հայկական հողերը, հայտարարեց. «Թող կորչեն, այս հողերը իթթիհատ և Թերազդրի իշխանության կը պատկանին, թույլ չպիտի տանք, որ որևէ մեկը ձեռք երկարե անոր»¹¹:

Դոկտոր Նազրմար պահանջում էր արագորեն Թուրքիան մաքրազարդել հայերից: «Եթե այս մաքրագործումը ընդհանուր և վերջնական չպիտի ըլլա, — ասում է նա, — օգուտի տեղ վնասը անպայման է. պետք է, որ հայ ազգը արմատախիլ ըլլա, մեր հողին վրա անհատ մը անգամ չմնա, հայ անունը մոռցվի. հիմա պատերազմի մեջ ենք, ասկե հարմար առիթ չի գտնվիր, մեծ պետությանց միջամտությունը և թերթերու բողոքի ձայնը նկատելի իսկ չի կրնար ըլլալ, ըլլա նույնիսկ, խնդիրը կատարված իրողություն մը կը դառնա և կը փակվի. այս անգամվան գործողությունը բնաջնջումի գործողություն մը պիտի ըլլա, հայերու մեկ անհատն իսկ չի մնալու պայմանով բնաջնջումը հարկ է...»¹²:

Զգալով, որ այդ վայրագությունները կարող են շարժել հայերի հետ դարերի ընթացքում համերաշխ ապրող, թուրք աշխատավորների խիղճը, դոկտոր Նազրմար նախազգուշացնում է, որ խղճահարները կպատժվեն: Պատերազմի դաշտում, ասում է նա, մեռնում են միլիոնները: «Ես թուրքին, միայն թուրքին ապրելը, այս հողին վրա անկախ իշխող մ'ըլլալը կը փափաքեմ. ոչ թուրք տարրերը թող ջնջվին, որ ազգության և կրոնին այլ պատկանու՞մ ըլլան. այս հրկիրը ոչ-թուրք տարրերեն մաքրելը պետք է. կրոնքը իմ քով ոչ մի արժեք չունի. իմ կրոնքս Թուրանն է»¹³:

Նազրմարի ելույթն է՛լ ավելի բորբոքեց մոլեռանդ շովինիստների կրքերը: Արձագանքելով նրան, խոջա Հասան Ֆեհմին բիոլոգիական տեսակետից «հիմնավորեց» հայերի բնաջնջումը, իսկ մի այլ դոկտոր՝ Բեհաէտտին Շաքիրը իր հիւլյթում ուղղակի ասաց. «Անհարազատ և վնասակար խոտերը արմատախիլ ընելով մեր հողը մաքրելու ստիպված ենք. մեր ֆեդափախության նպատակը, ծրագիրը այս է»¹⁴:

Ամփոփելով ելույթները և հավանություն տալով բնաջնջումը «կսելու առաջարկություններին, Զավադ փաշան ավելացրեց. «Հայերու մեկ անհատն իսկ չի մնալու պայմանով բնաջնջումը մեր ազգային քաղաքականության տեսակետին որչափ որ ստիպողական պետք մըն է, նույնչափ ալ թուրքին տրևալուն տեսական իշխանությունը հիմնելու համար կարևոր է...»¹⁵:

Խորհրդակցությունը լսեց էնվեր փաշայի հաղորդումը Գերմանիայի հետ կնքված ռազմական դաշինքի մասին: Միաժամանակ նա հասկացրեց, որ «Գեր-

11 Մեվլան Զադե Բիֆաթ, Օսմանյան հեղափոխության մոռ ծախքերը, թուրք, Թարգմ., Բեյրութ, 1938, էջ 159:

12 Նույն տեղում, էջ 159—160:

13 Նույն տեղում, էջ 161:

14 Նույն տեղում, էջ 162 (ընդգծումը մերն է — Հ. Վ.):

15 Նույն տեղում, էջ 165—166:

մանիան համաձայն է, որ Եգիպտոսը, Կովկասը վերագրաւենք և նույնիսկ Պարսկաստանն էլ գրաւենք... Տարակույս չկա, որ մենք պիտի կրնանք Թուրանի ճամբան բանալ և Թուրք միութիւնն ապահովել»¹⁶։

Էնվերի հաղորդումը նոր շունչ տվեց մարդասպանների ոհմակին։ Հանդես գալով խորհրդակցութիւնում, նրանցից մեկը՝ Բեհաէտտին Շաքիրն ասաց. «Ընկեր էնվերին հայտարարութիւնները կարևոր են, կացութիւնը լավ կերպով պարզեց. այս բով է, Թուրքիո հաղթութեան ճամբան էնվերին ցույց տվածն է, Գերմանիո հետ քալել նախընտրելի է. այս ճամբան փրկութեան և Թուրանի ճամբան է»¹⁷։

Հիմալ փաշան իր հիշողութիւններում փորձում է ցույց տալ, որ հայերը ավելի մեծ վնասներ են հասցրել Թուրքերին, քան Թուրքերը հայերին։ Նա անամոթաբար արդարացնում է իր կառավարութեան հայաջինջ ռեակցիոն քաղաքականութիւնը։

Նայիմ բեյը «Խղճի ձայնը» վերնագրով իր հիշողութիւններում հնարավորին չափ վեր է հանել ճշմարտացի պատկերը։ Աշխատելով Հալեպի նահանգի հայերի տեղահանութեամբ զբաղվող կառավարական հանձնաժողովում՝ որպէս քարտուղար, որի մոտ էին կենտրոնանում բոլոր գաղտնի փաստաթղթերը, նա ցույց է տալիս Թուրքիայի միայն մի նահանգում հայկական ջարդերի երեք շրջանը. 1. Բես-ու-Այնի ջարդը՝ 70.000 հոգի, 2. Ինթիլիի ջարդը՝ 50.000 հոգի, 3. Ամենից զարհուրելին Տեր-Ջորի մեջ եղած ջարդը, որտեղ Զեքի բեյը կոտորել էր մոտ 200.000 հոգի։

Բես-ու-Այնի կոտորածի նախապատրաստման և իրագործման մասին Նայիմ բեյը հետևյալն է պատմում. «Հայոց եղերական տարագրութեան և սպանութեան խնդիրը, որ Թուրք անունը մարդկութեան հավիտենական անեծքին արժանի կը դարձնէ, անանկ կը կարծեմ, թէ համաշխարհային պատմութեան մինչև այսօր արձանագրված զարհուրելի դեպքերէն ոչ մեկուն կը նմանի։ Թուրքիո ընդարձակ հողամասին որ անկյունն ալ որոնվի, որ ամենամութ խորշըն ալ խուզարկվի, ամենաանգութ կերպով խողխողված հազարավոր հայու դիակներ և կմախքներ պիտի գտնվին»։ Եվ ապա «Երբեք չպիտի մոռանամ այն գիշերը, երբ գայմագամին տունը կը գտնվէի. Փոթորիկ մը դուրսը ավերներ կը գործէր։ Տասը վայրկյան անդին՝ այդ փոթորիկին զարհուրանքին տակ մնացած թշվառներուն ողբերն ու հեծեծանքները կը լսէին... Անոնք՝ Սվադի, Տիարպեքի, Խարբերդի հայ գաղթականներու մնացորդներ էին։ Հինգ-վեց նահանգներու մոտավորապէս մեկ միլիոն բնակչութիւն տեղահան կըլլան... Հալեպ եկա. հասած գաղտնի ծածկագիրները քանի կարձանագրեի, զոյ կուտար վրաս։ Մեծ ազդ մը, իր կիներով և ձագուկներով, մահվան դատապարտված էր»¹⁸։

Հալեպի իշխանութիւնները սրբութեամբ կատարում էին Թալիաթի գաղտնի հրամանը։ Դրանցից մեկի մեջ ասված էր. «Հայերու համար Թուրքիո հողին մեջ ապրելու, աշխատելու իրավունքները ամբողջովին ջնջված են և այս մասին կառավարութիւնը, բովանդակ պատասխանատվութիւնը ստանձնելով, հրամայած է նույնիսկ օրոհոգի մանուկըն շրջողով»¹⁹։

16 Նույն տեղում, էջ 31։

17 Նույն տեղում, էջ 31—32։

18 Արամ Անտոնյան, Մեծ ոճիրը, Բոստոն, 1921, էջ 20—22։

19 Նույն տեղում, էջ 35 (ընդգծումը մերն է — Հ. Վ.)։

Հալեպի կուսակալ Ապտուլահատ Նուրի բեյի հետ խոսելիս, Նայիմ բեյը ասում է. «Պեյ էֆենտի, դադարեցնենք առաքումը քիչ մը մեղմացնենք, որովհետև մահը բովանդակ Միջագետքին կը սպառնա. այս ընթացքում՝ այդ ընդարձակ հողամասին վրա դեերեն զատ ոչ ոք չպիտի մնա: Նուրի պեյ խնդաց. «Տղաս, ըսավ, այս կերպով երկու վնասակար տարրերը մեկանց կը փչացնենք. հայերուն հետ սատկողները արաբները չեն, գե՞շ է. թրքության ապագային ձամբան կը հարթվի»: Լռեցի. այս ահավոր պատասխանը դողացուց զիս»²⁰:

Նայիմ բեյի հիշողություններում կան մի քանի ծածկագրեր, որոնցով Թալիսթը տեղական իշխանություններից պահանջում էր պաշտոնից վտարել և պատասխանատվության ենթարկել այն պաշտոնյաներին, ովքեր բնաջնջման ընթացքում հայերի նկատմամբ խղճի զգացում կցուցաբերեին:

Թուրքական դահիճները, իշխանությունների իրենց նվիրվածությունը ցուցաբերելու նպատակով, անասելի վայրագություններ էին գործադրում հայերի նկատմամբ: «Մեսքենեի և Ապուհաթթարի միջև գտնված Տերսի կոչված կայքը, — գրել է Նայիմ բեյը, — ամենեն կարևոր եղևոններն մեկն էր: Մահվան գատապարտվածները հոն կը սպանվեին և գետ կը նետվեին: Մեսքենեի մեկ ծայրին մյուսը կմախքներով լեցված էր. պարզապես ոսկորներու արտի մը երևույթ ստացավ... Միմիայն Հալեպեն՝ Բես-ու-Այնի և Մեսքենեի ճամբով՝ 200.000 հայ ղրկվեցավ. և այդ խոշոր քանակության հազիվ 5000—6000 հոգին կրցած են ողջ մնալ: Կիները, զանազան ճամբաներու վրա, ժանդարմներու և ժողովրդեն խժոժությամբ ու վայրենությամբ՝ սվինով կամ հրազենով սպանվեցան»²¹:

Նույն հեղինակը նշում է, որ գավառներում տեղի ունեցած խմբական ցարդերի ժամանակ «ամենեն զարհուրելի շարշարանքներով սպանվողներն եղան կրոնավորները, առաջնորդ, վարդապետ, քահանա և այլն: Ընդհանրապես կտոր-կտոր ըրին զանոնք, օրերով բանտերու մեջ տանջելի ետքը»²²:

Նայիմ բեյը նշում է, որ պատմությանը մինչ այդ անհայտ ոճրագործություններ են տեղի ունեցել հայերի հանդեպ բոլոր նահանգներում, գավառներում ու քաղաքներում: «Երզնկայի երեսփոխան Հալեթ պեյ, — գրում է նա, — անոնցմե հարյուրավորներ գետը թափեց: Խարբերդի մեջ նույն բանը եղավ: Ավելի սովորաբար կը վառեին զանոնք: Պիթլիսի մեջ՝ կուսակալ Մուստաֆա Ապտուլահալիկ պեյ... պղտիկներեն հազարի չափ հավաքել տալով առաջնորդից Թաշխուր ըսված վայրը, և զանոնք վառել տալով թուրք երեւելիներու և ստվարաթիվ ամբոխի մը ներկայության, արտասանեց նշանավոր ճառ մը, որու մեջ կրսեր թի «Թուրքի ուպագա Կոյուքյան համալիսյական գավառներուն մեջ հայ իսպառ բնաջինջ ընել պետք է: Այդ դժբախտ տղայքը վառելի վերջ լցված էին նախապես բացված հորերու մեջ, որոնցմե՝ օրերով կը լսվեին ողջ մնացածներու հոգևարքի հոնդյունները: Ատրյամանի մեջ՝ Սեբաստիո կարավաններու տղայքը նույնպես վառվեցին»²³:

Նայիմ բեյը, վերջապես, իր հիշողություններում հրապարակում է ռազմական նախարար էնվեր փաշայի հրամանը՝ զինվորական հրամանատարությունը: Ահա այն:

20 Նույն տեղում, էջ 25:

21 Նույն տեղում, էջ 104—105:

22 Նույն տեղում, էջ 103:

23 Նույն տեղում, էջ 177 (ընդգծումը մերն է — Հ. Վ.):

աճերկա կացության բերմամբ, կայսերական հրամանով որոշված է հայ ցեղին ամբողջական փշացումը: Անոնց մասին հետևյալ գործողությունները պիտի ըլլան.

1. Մինչև հինգ տարեկան մանուկներեն զատ՝ ասմանյան հպատակ եղող և երկրին մեջ գտնվող հայ անունը կրող բոլոր պաշրպոզուքները (ոչ զինվորականներ) քաղաքե դուրս հանելով պիտի սպանվին:

2. Կայսերական բանակներու մեջ ծառայող բոլոր հայ անհատները, առանց դեպքի մը տեղիք տալու՝ իրենց զորաբաժիններեն զատելով, ընդհանուրին աչքեն հեռու ծածուկ վայրերու մեջ զնդակահար պիտի ըլլան:

3. Բանակին մեջ գտնվող հայ սպաններն ալ, իրենց պատկանած զորախումբերու բանակատեղիին մեջ պիտի բանտարկվին մինչև իրենց մասին շեկուցում ըլլալը:

Այս երեք կարգադրությունները յուրաքանչյուր բանակի հրամանատարության հաղորդած թվականեն 48 ժամ վերջ անոնց գործադրության մասին հատուկ զեկույց մը պիտի ըլլա: Ասոր համար անհրաժեշտ նախապատրաստություններեն զատ, ունէ գործողության պետք չէ ձեռնարկել²⁴:

Այսպիսով, երիտասարդ թուրքերի կառավարությունը գազանաբար հոշոտեց նաև այն երիտասարդներին, որոնք հարկադրաբար թուրքական բանակներում էին ծառայում և կատարում իրենց քաղաքացիական պարտքը:

Ահավոր վայրագություններ կատարեցին թուրքական ու քրդական դահիճները՝ Տիգրանակերտի, Մուշի ու Սասունի հայերի նկատմամբ: Ժակ դը Մորգանը նշում է, որ բանակ կանչված բոլոր երիտասարդները զնդակահարվեցին, իսկ ժքադաքներն ու գյուղերը, ուր ծերերը, կիները և երիտասարդները միայն մնացած էին, ինքնապաշտպանության անկարող, զուր մը ղրկեն, կը սպանեն այր մարդիկը և տղաները: Գաղթի արժանացածները, նշում է նույն հեղինակը, մեռնում էին քաղցից կամ զնդակահարվում: Ճիշտ է, ճամբար կը հանվին, հսկողությամբ զինվորներու և քուրդ հեծելաղորներու, որոնք ճանապարհին ամեն գազանություն կը գործեն, — իրենց հաճույքին համաձայն կը սպանեն... Վկա մը կըսես. «Օր մը պատահեցանք աշխատավորներու բազմության մը: Զանոնք բոլորն ալ պիտի մորթեն՝ կըսես մեզի մեր ճանապարհակից ժանդարման»²⁵:

Ժակ դը Մորգանը նկատում է, որ առհասարակ ամբողջ հայ ժողովուրդը համատարած կերպով կանգնած էր եղեռնական մահվան դռանը:

1915 թ. հուլիսի 2-ին, գիշերը թուրքերը 1300 հայերից մի խումբ կազմելով՝ Մուշից ուղարկում են հաս-գյուղը: Ճանապարհին ամբողջ խումբը ոչընչացվում է: Հուլիսի 2—3-ը հայերի համար աննկարագրելի ողբերգությունների օրեր եղան: Մուշ քաղաքի բնակիչ Սինոյանց Տիգրանը թշնամու գազանություններից ազատվելու համար թունավորում է իր 50 ազգականներին՝ ինքն էլ այրվելով իր իսկ հրկիզած հայրենի տանը²⁶:

Զարհուրելի ոճիրներ տեղի ունեցան նաև Սասունում, էրզրումում, Բիթլիսում, Վասպուրականում և այլուր: Վանի նահանգի Արճեշի գավառում թուրքական և քրդական դահիճները սրախողող արին ամբողջ բնակչությանը՝ չըխնայելով անգամ մանուկներին ու զառամյալ ծերունիներին: Արճեշի գավա-

²⁴ Նույն տեղում, էջ 232—233:

²⁵ Ժակ դը Մորգան, Հայ ժողովրդի պատմությունը, էջ 344:

²⁶ Նույն տեղում, էջ 345:

ռապետ (գալմազամ) Ալի Դիզաբեկը 1915 թ. ապրիլի 6-ին բոլոր հայ տղամարդկանց բանտարկելու հրաման էր ավելի Այդ օրը բանտարկվեցին և զիջերը գնդակահարվեցին ավելի քան 700 հոգի։ Այդ կոտորածներից հրաշքով փրկված Մկրտիչ Հովհաննիսյանը (Ավդոյի Մկոն) իր վկայությունների մեջ ցույց է տալիս, թե ինչ զարհուրելի տեսարան էր ներկայացնում Արճեշի եղեռնը։ «Արճեշի մեջ, — նշում է նա, — անուն տղամարդ չը մնաց, բոլորը, բոլորը ընկան գնդակահար ու սրախողխող»²⁷։

Մինչև եղեռնը Արճեշի գավառի 51 գյուղերում կար հայկական 1303 տուն՝ 10313 շնչով։ Նրանցից գազանաբար կոտորվեցին 2387 հոգի, առևանգվեցին 518 երիտասարդ կանայք ու աղջիկներ, երեք ամսում տարափոխիկ հիվանդություններից մահացան 953 հոգի։ Տաս գյուղերում ապրող 90 տուն հայեր՝ 693 շնչով, միանգամայն անհետացան։ Այսպիսով, — գրում է Ա.Դո-ն, — Արճեշի գավառը ջարդերի, առևանգումների, մահացությունների և անհետացումների հետևանքով կորցրել էր 4542 մարդ»²⁸։

Որոշ գավառներում, քաղաքներում և գյուղերում հայերը փորձեցին դիմադրել, ինքնապաշտպանության դիմել։

Խեղաթյուրելով իրական դեպքերը, օսմանյան կառավարողները ինքնապաշտպանության նպատակով հայերի ձեռնարկած քայլերը որակեցին որպես «ապստամբություն» և փորձեցին դրանով արդարացնել իրենց հայաջինջ քաղաքականությունը։ Այդ կեղծարարության դեմ բողոքի ձայն բարձրացրին նույնիսկ օտարազգի գործիչները։ «Վանա ապստամբություն» ըսվածը, — գրում է գեոմանացի դոկտոր Լեփսիուսը, — օրինական ինքնապաշտպանության արարք մը եղավ և ջարդերու պատմության մեկ դրվագը և երբեք գավառապետություն մը... Վանա ինքնապաշտպանությունը և ուսաներու հառաջխաղացումը բնավ, ոչ մեկ բնական պատճառով իրարու հետ կապ չունին»²⁹։

Նույնն է հայտարարում նաև լորդ Բրայսը։ «Պատերազմի շղթայազերծումին մեջ հայեր, — ասում էր նա, — չունին ունեցապարտություն... Սակայն անոնք շատ ավելի տուժած են, քան մեզմե ունեցած մեկը»³⁰։

Արդարացնելով երիտասարդ թուրքերի վայրագությունները, մեղսեղ բերելով հայկական «ապստամբությունների» ստահոգ պատճառաբանությունը, Ջեմալ փաշան գրել է. «Եվ որովհետև հայերը անկախ մի պետություն հիմնելու ձգտում ունեն, մի պետություն, ուր նրանք, շնայած քուրդերի և թուրքերի թվական գերազանցության, պետք է վերջինների վրա իշխեն, ուստի ինքնուստինքյան հասկանալի է, որ սրանք էլ իրենց կողմից ամեն կերպ աշխատում էին ի դերև հանել հայերի այդ ծրագիրը»³¹։

Բայց այդ վերսիան նորություն չէր. այն հորինված էր դեռ 1878 թ. Բեռլինի կոնգրեսից հետո, երբ սուլթանական ռեժիմը մեծ վեզիր Քյամիլ փաշայի մշակած ծրագրով նախապատրաստում էր հայերի բնաջնջումը, ստեղծում էր քրդական միություն, Հայաստանին հակադրում էր Քուրդստանը։

27 Արամայիս, Զարհուրելի ոճիրը (Մուշ-Սասուն), Բաքու, 1916, էջ 39։

28 Տե՛ս Ա. Դո, Մեծ դեպքերը Վասպուրականում 1914—1915 թթ., էջ 153։

29 Տե՛ս Վահան Միրազբեյ, Հայկական ջարդերու փաստաթուղթերը, Կ. Պոլիս, 1920, էջ Ժ։

30 Նույն տեղում։

31 Ջեմալ փաշա, Հայկական հարցը, Երևան, 1923, էջ 11։

1914—1915 թթ. հայերի ապրած մեծ ողբերգության մեջ թուրք և քուրդ աշխատավորական զանգվածները ըստ էության հանցանք չունեն։ Նրանցից շատերը որդեգրում էին հայ մանուկներին, չարդերից փրկելու համար թաքցրելու էին հայերին։ 1916 թ. մարտի 2-ին, Թիֆլիսում հրատարակվող «Գաղափար» թերթում տպագրված մի թղթակցություն պատմում է այն մասին, որ Դերջանի շրջանի Մ. գյուղից մի թուրք ծերունի պահել է 2000 հայերի և ապա նրանց հանձնել ռուսական բանակի հետ այդ շրջանը մտած հայկական կամավորական խմբին։ «Աստված սաբաբին պատիժը տա»³²,—ընդ որում ասել է թուրք ծերունին հայ սպային։

Դերսիմի լեռնային քրդերը պահեցին և մահից փրկեցին 20.000 հայ³³, իսկ Սանդ-ժար լեռան քուրդ-եզդիները թաքցրեցին 6000 հայ³⁴։ Թուրք և քուրդ աշխատավորների կողմից հայերի նկատմամբ ցուցաբերած մարդասիրական վերաբերմունքի մասին ուրիշ փաստեր ևս կան։ Հայերին նրանք հովանավորում էին սեփական անձը մեծագույն վտանգի ենթարկելով։ Հետեւապես, թուրք և քուրդ բուն աշխատավորական զանգվածները (բացի քրեական ու քաղաքական հանցագործներից ու կրոնական մոլեռանդությամբ արբեցած խավերից) եղեռնի հանցավորներ չեն կարող համարվել։ Ոճրագործներն էին թուրքական իշխանությունները, բուրժուա-կալվածատիրական դասակարգերը, որոնք ձգտում էին Օսմանյան կայսրության համաշխարհային տիրապետության՝ վիլհելմյան Գերմանիայի օգնությամբ։

«Գերման դավը Կովկասում» խորագրով իր աշխատության մեջ Հովհ. Հակոբյանը նշել է, որ Գերմանիան ձգտում էր համաշխարհային տիրապետության, որի իրականացման համար նա ընդառաջ էր գնում համախալամական տիրապետության հաստատման երիտասարդ թուրքերի երազանքներին։ «Այն (Գերմանիան) Բյուզանդիոնի թուրքին մոտեցավ և երևութապես համաթուրանական ծրագիրը հրահրեց ու քաջալերեց, անոր ցեղային փառամոլությունը շոյեց, փայփայեց և ապագա ընդարձակածավալ թուրանական կայսրության մը հիմնումին հեռանկարով շփացուց թուրք-թաթարական տարրերը և համաշխարհային կրակին մեջ նետեց զանոնք»³⁵։

Այո, նկատում է նույն հեղինակը, գերմանական իմպերիալիստները իրենց էքսպանսիոն քաղաքականության իրականացման համար զոհեցին արևմտահայ ժողովրդին։ «Գերման լրտես-գործակալը, — գրում է նա, — Կ. Պոլիս երիտասարդ թուրքերու ականջին փսփսաց. «Հայաստանի հայությունը խոշընդոտ մըն է Փոֆր Ասիո բուրժուայան ու կովկասյան ցեղերու միացումին։ Դունքու կայսրությունը պիտի տարածես Կ. Պոլսեն մինչև Աֆիսանիստան, Արաբիայեն մինչև Կովկասյան լեռները, քու ճամբադ մաքրես այս տարրերեն»³⁶։

Այսպիսով, վիլհելմյան Գերմանիան ուղղակի ոգեշնչում, քաջալերում էր թուրքական հանցագործներին, գրգում նրանց բնաջնջելու հայերին։

Գերմանացի Հ. Շթուրմրին, անարգանքի սյունին գամելով գերմանական իշխանություններին՝ թուրքական ջարդարարներին հովանավորելու և հայկական ողբերգությանը մեղսակից դառնալու համար, գրում էր. «Նթե հայ դատին

32 Տե՛ս «Իրվագիւր հայկական եղեռնեն և լերածնունդը», Փարիզ, 1946, էջ 112—113։

33 Ե. Ս. Երևանյան, Պատմություն Չարսանջակի հայոց, Պեյրուս, 1956, էջ 66։

34 «Армянский вестник», № 29, 1917, էջ 15։

35 Հ. Վ. Հակոբյան, Գերման դավը Կովկասին մեջ, Թիֆլիս, 1917, էջ 7։

36 Նույն տեղում, էջ 7—8 (ընդգծումը մերն է -- Հ. Վ.)։

վեցին: Մարդարաբադի ճակատամարտում հայերը գոյամարտ մղեցին թուրքական ջարդարարների դեմ, լուրջ հարված հասցրին նրանց և պաշտպանեցին ապրելու իրենց իրավունքը և ազգային արժանապատվությունը:

Դարերի ահեղ հողմերում ծեծված հայ ժողովուրդը Հոկտեմբերյան հեղափոխության հաղթանակի և Հայաստանում սովետական կարգերի հաստատման շնորհիվ կարողացավ ազատվել ֆիզիկական բնաջնջումից և կանգնել իր ազգային վերածննդի միակ ճիշտ ուղու վրա:

А. Г. Вартанян

ИЗ ИСТОРИИ МАССОВОГО ГЕНОЦИДА АРМЯН

Р е з ю м е

После Берлинского конгресса 1878 года усилились гонения на армян в Османской империи. Правительство султана Абдул Гамида выработало цельную программу геноцида армян. Эта гнусная программа была реализована в 1894—1896 гг., затем в 1909 г. и окончательно в годы первой мировой войны, когда младотурки почти поголовно истребили армянское население Османской империи.

На основе западноевропейских, турецких и армянских источников доказано, что в истреблении армянского населения вся ответственность падает на правящие круги Турции и на империалистические державы, главным образом, на немецких империалистов, которые своими экспансионистскими, захватническими планами способствовали осуществлению планов геноцида армян.

При поддержке империалистических держав турецкие захватчики путем истребления армян хотели «решить» армянский вопрос.

Октябрьская революция и установление Советской власти в Армении спасли наш народ, создали возможность его возрождения.